

III

Ovo Rješenje stupa na snagu danom donošenja a objavit će se u "Službenim novinama Kantona Sarajevo".

Broj 02-05-8045-15/14

17. aprila 2014. godine

Sarajevo

Za Premijera

Suad Zeljković, s. r.

Na osnovu člana 22. i 24. stav 4. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst i 38/13), Vlada Kantona Sarajevo, na 63. sjednici održanoj 17.04.2014. godine, donijela je

ZAKLJUČAK**O UNOSU DONACIJE U BUDŽET KANTONA SARAJEVO ZA 2014. GODINU ZA JAVNU USTANOVU PETA GIMNAZIJA SARAJEVO**

1. Odobrava se unos sredstava (primljena donacija) u Budžet Kantona Sarajevo za 2014. godinu u iznosu od 1.000 KM koja je JU Petoj gimnaziji doznacila kompanija BiH Telecom d.d. Sarajevo za realizaciju manifestacije turnira "III Međunarodna revija sporta" povodom obilježavanja 6. aprila Dana Grada Sarajeva i Dana Pete gimnazije u 2014. godini.
2. Sredstva iz tačke 1. ove Odluke evidentirat će se u razdjelu 21 - Ministarstvo za obrazovanje, nauku i mlade, glava 03 potrošačka jedinica 0005 - Peta gimnazija Sarajevo na ekonomskom kodu:

613400 - Nabavka materijala iznos 1.000 KM

3. Ministarstvo finansija će evidentirati i proknjižiti uplaćena sredstva i izvršiti plaćanje po naredbi Ministarstva za obrazovanje, nauku i mlade u skladu sa prilivom tih sredstava u Budžet Kantona Sarajevo za 2014. godinu i Ministarstvo za obrazovanje, nauku i mlade će pratiti utrošak istih.

4. Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-8045-22/14

17. aprila 2014. godine

Sarajevo

Za Premijera

Suad Zeljković, s. r.

Na osnovu člana 22. i 24. stav 4. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst i 38/13), Vlada Kantona Sarajevo, na 63. sjednici održanoj 17.04.2014. godine, donijela je

ZAKLJUČAK**O UNOSU TRANSFERA U BUDŽET KANTONA SARAJEVO ZA 2014. GODINU ZA OŠ "KOVAČIĆI" SARAJEVO I JU GIMNAZIJA OBALA SARAJEVO**

1. Odobrava se unos sredstava (primljeni transfer) u Budžet Kantona Sarajevo za 2014. godinu u iznosu od 4.900 KM kojeg je Osnovnoj školi "Kovačići" doznacilo Federalno ministarstvo obrazovanja i nauke u svrhu realizacije projekta "Asistent u nastavi".
2. Sredstva iz tačke 1. ove Odluke evidentirat će se u razdjelu 21 - Ministarstvo za obrazovanje nauku i mlade, glava 02 potrošačka jedinica 0035 - Osnovna škola "Kovačići" na ekonomskim kodovima:

611100 - Bruto plaće i naknade	iznos 4.375 KM
612100 - Doprinosi poslodavca	iznos 510 KM
613900 LBK - Posebna naknada na dohodak za zaštitu od prirodnih i drugih nesreća	iznos 15 KM
3. Odobrava se unos sredstava (primljeni transfer) u iznosu od 15.000 KM kojeg je JU Gimnaziji Obala dodjelila Općina Centar u sklopu projekta "Dani sporta na Općini Centar".
4. Sredstva iz tačke 3. ove Odluke evidentirat će se u razdjelu 21 - Ministarstvo za obrazovanje, nauku i mlade, glava 03 potrošačka jedinica 0009 - Javna ustanova "Gimnazija Obala" na ekonomskim kodovima:

613400 - Izdaci za nabavku materijala	iznos 3.500 KM
613700 - Izdaci za tekuće održavanje	iznos 1.000 KM
613900 - Ugovorene i druge posebne usluge	iznos 6.500 KM
821300 - Nabavka opreme	iznos 4.000 KM
5. Ministarstvo finansija će evidentirati i proknjižiti uplaćena sredstva i izvršiti plaćanje po naredbi Ministarstva za obrazovanje, nauku i mlade u skladu sa prilivom tih sredstava u

Budžet Kantona Sarajevo za 2014. godinu i Ministarstvo za obrazovanje, nauku i mlade će pratiti utrošak istih.

6. Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-8045-23/14

17. aprila 2014. godine

Sarajevo

Za Premijera

Suad Zeljković, s. r.

Ministarstvo za boračka pitanja

Na osnovu člana 56. stav 2. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), Smjernica za uspostavu i jačanje interne kontrole kod budžetskih korisnika ("Službene novine Federacije BiH", broj 19/05) i člana 12. Uredbe o kriterijima za finansiranje programa i projekata neprofitnih organizacija i udruženja koji se finansiraju/sufinansiraju iz Budžeta Kantona Sarajevo ("Službene novine Kantona Sarajevo", br. 33/11, 3/12-Ispravka, 37/13 i 16/14), ministar za boračka pitanja Kantona Sarajevo donosi

PRAVILNIK**O KRITE RIJIMA ZA
FINANSIRANJE/SUFINANSIRANJE PROGRAMA I
PROJEKATA NEPROFITNIH ORGANIZACIJA I
UDRUŽENJA****POGLAVLJE I - OSNOVNE ODREDBE**

Član 1.

(Osnovne odredbe)

Ovim pravilnikom ureduju se korisnici prava, raspisivanje javnog poziva, postupak dodjele sredstava, izvještaj o namjenskom utrošku sredstava i nadzor nad utroškom sredstava od strane udruženja.

Član 2.

(Korisnici prava)

Korisnici prava po ovom pravilniku su: kantonalna boračka udruženja i savezi i druga boračka udruženja, nevladine organizacije i neprofitne organizacije, fondacije, zaklade, instituti, sportska udruženja i klubovi, organizatori sportskih i drugih manifestacija sa određenim društveno korisnim ciljem i udruženja koja njeguju tekovine odbrambeno-oslobodilačkog rata 1992.-1995. godine, te narodnooslobodilačkog rata 1941.-1945. godine (u daljnjem tekstu: udruženja) koji za sredstva iz Budžeta apliciraju u svrhu finansiranja/sufinansiranja projekata koji su od interesa za građane Kantona Sarajevo (u daljnjem tekstu: Kanton) ili doprinose razvoju i afirmaciji Kantona i provode se na području Kantona.

Član 3.

(Kantonalna boračka udruženja)

- (1) Kantonalna boračka udruženja i savezi u smislu ovog Pravilnika su kantonalna boračka udruženja i savezi članovi Koordinacionog odbora boračkih organizacija Kantona Sarajevo:

1. Udruženje Jedinstvena organizacija boraca "Unija Veterana" Kanton Sarajevo;
2. Udruženje "Savez ratnih vojnih invalida" Kantona Sarajevo;
3. Udruženje Organizacija porodica šehida i poginulih boraca Kantona Sarajevo;
4. Savez udruženja logoraša Kantona Sarajevo;
5. Savez demobiliziranih branilaca odbrambeno-oslobodilačkog rata 1992-1995 Kantona Sarajevo;
6. Udruženje ratnih vojnih invalida paraplegičara Kantona Sarajevo;
7. Udruženje Organizatora otpora, Veterana rata, Dobrovoljaca, Prvoboraca i Branioca "Bosnae - Zelene beretke" Kantona Sarajevo;
8. Savez udruženja dobitnika najvećih ratnih priznanja "Zlatni ljljan" i "Zlatna policijska značka" Kantona Sarajevo;
9. Savez udruženja antifašista i boraca narodnooslobodilačkog rata u Kantonu Sarajevo;

10. Savez udruženja boraca "Patriotska liga" Kantona Sarajevo;
 11. Udruženje veterana odreda policije "Bosna" Kantona Sarajevo;
 12. Kantonalna udruženja proistekla iz HVO-a
- (2) Kantonalna boračka udruženja i savezi u smislu ovog Pravilnika su i kantonalna boračka udruženja i savezi čije su članice općinska udruženja sa područja 9 (devet) općina Kantona Sarajevo, a općina Trnovo se može izuzeti ukoliko nema dovoljan broj članova iz određene boračke populacije da bi se formiralo općinsko udruženje.
 - (3) U smislu ovog pravilnika izuzetak mogu biti udruženja/savezi koja nemaju svoje članice na području svih općina, ukoliko se radi o specifičnoj populaciji čija brojnost nema takve razmjere da bi se mogli/trebali registrirati na svakoj od općina (npr. ratni vojni invalidi paraplegičari). U ovakvim slučajevima kantonalno udruženje/savez može imati manji broj članica ili biti jedinstveno na nivou Kantona Sarajevo.
 - (4) U smislu ovog pravilnika članove kantonalnih udruženja čine lica iz čl. 1., 2. i 4. Zakona o dopunskim pravima boraca-branitelja Bosne i Hercegovine ("Službene novine Kantona Sarajevo", broj 45/12-Prečišćeni tekst) i to: ratni vojni invalidi i članovi njihovih porodica, članovi porodica šehida, članovi porodica poginulih, umrlih i nestalih branioaca, dobitnici ratnih priznanja i odlikovanja i članovi porodica poginulih, umrlih i nestalih dobitnika ratnog priznanja i odlikovanja, ratni vojni zarobljenici, demobilizirani branioци, dobrovoljci i organizatori otpora, veterani, učesnici rata i mirnodopski vojni invalidi kao lica zaslužna u odbrambeno-oslobodilačkom ratu sa područja Kantona Sarajevo kao i učesnici narodnooslobodilačkog antifašističkog rata 1941.-1945. godine.
 - (5) Kantonalna udruženja iz stava (1) i (2) ovog člana međusobnom saradnjom i dogovorom, a u svrhu ostvarivanja zajedničkih zadataka realizuju programe i projekte u cilju ostvarivanja interesa cjelokupne boračke populacije.

**POGLAVLJE II - KRITERIJI ZA FINANSIRANJE
PROGRAMA I PROJEKATA I POSTUPAK DODJELE
SREDSTAVA**

Član 4.

(Opći i posebni kriteriji)

Opći i posebni kriteriji za raspodjelu sredstava sadržani su u Uredbi o kriterijima za finansiranje programa i projekata neprofitnih organizacija i udruženja koji se finansiraju/sufinansiraju iz Budžeta Kantona Sarajevo ("Službene novine Kantona Sarajevo", br. 33/11, 3/12-Isppravka, 37/13 i 16/14).

Član 5.

(Javni poziv)

- (1) Ministarstvo za boračka pitanja Kantona Sarajevo (u daljnjem tekstu: Ministarstvo) je dužno za svaku budžetsku godinu raspisati javni poziv za raspodjelu sredstava za finansiranje/sufinansiranje programa i projekata od interesa za boračku populaciju.
- (2) Javni poziv iz stava (1) ovog člana objavljuje se na internet stranici Kantona Sarajevo i u najmanje jednim dnevnim novinama visokog tiraža koje se distribuiraju na području cijele Bosne i Hercegovine.

Član 6.

(Odobranje sredstava pojedincima)

Finansijska sredstva mogu se izuzetno odobriti pojedincima pripadnicima boračke populacije i to:

- a) ukoliko svojim angažmanom, po određenom projektu, doprinose razvoju i afirmaciji Kantona (npr. nabavka i podrška štampanja knjiga i literature, organizovanje izložbe, podrška izradi magistarskog rada ili doktorskog rada, naučnog projekta i dr.);
- b) ako su u stanju socijalne potrebe;
- c) za liječenje i zdravstveno zbrinjavanje;
- d) podrška sportskim aktivnostima i
- e) u drugim opravdanim slučajevima.

Član 7.

(Zahtjev za dodjelu sredstava)

- (1) Zahtjeve za dodjelu sredstava korisnici prava dostavljaju Ministarstvu sa dokazima iz kojih se vidi ispunjenost općih i posebnih kriterija, a nakon objavljivanja Javnog poziva iz stava (1) člana 5. ovog pravilnika.
- (2) Sredstva po zahtjevima iz člana 6. ovog pravilnika odobravaju se kontinuirano u toku budžetske godine.
- (3) Sufinansiranje obilježavanja značajnih događaja, datuma i ličnosti u skladu sa Odlukom o usvajanju projekta "Opsada i odbrana Sarajeva 1992-1995. godine" ("Službene novine Kantona Sarajevo", br. 9/06, 15/07 i 35/12), Odlukom o utvrđivanju "Kalendara za obilježavanje značajnih događaja, datuma i ličnosti iz perioda odbrambeno-oslobodilačkog rata 1992.-1995. godine na području Kantona Sarajevo" ("Službene novine Kantona Sarajevo", broj 9/08), Zaključkom Vlade Kantona Sarajevo broj 02-05-32129-8/08 od 18.12.2008. godine, te Odluke o utvrđivanju "Kalendara za obilježavanje značajnih događaja, datuma i ličnosti iz perioda odbrambeno-oslobodilačkog rata 1941.-1945. godine na području Kantona Sarajevo" ("Službene novine Kantona Sarajevo", broj 14/09), se provodi u kontinuitetu i u pravilu rješava na osnovu pojedinačnih zahtjeva putem Odbora za obilježavanje značajnih događaja, datuma i ličnosti koji imenuje ministar za boračka pitanja.
- (4) Podrška projektima pisane riječi se realizuje u skladu sa članom IV stav (1) tačka 1.9 Odluke o usvajanju projekta "Opsada i odbrana Sarajeva 1992-1995. godine" ("Službene novine Kantona Sarajevo", br. 9/06, 15/07 i 35/12) kao realizacija podprojekta "Pisana riječ u funkciji da se ne zaboravi 1992-1995" gdje je kao nosilac aktivnosti imenovano Ministarstvo za boračka pitanja. Realizacija se provodi u saradnji sa relevantnim institucijama na osnovu potpisanih sporazuma, ugovora i slično. Ministarstvo može na osnovu dostavljenih zahtjeva/ponuda u skladu sa raspoloživim sredstvima direktno od izdavača vršiti otkup gotovih djela sa ovom tematikom. Finansiranje/sufinansiranje programa i projekata koji se odnose na pisanu riječ korisnici prava iz člana 2. i 3. ovog Pravilnika ostvaruju putem raspisivanja Javnog poziva i zahtjeva iz stava (1) ovog člana.

Član 8.

(Obrazac za prijavu projekta za finansiranje/sufinansiranje iz budžeta)

- (1) Zahtjevi za finansiranje programa i projekata podnose se na Obrascu za prijavu projekta za finansiranje/sufinansiranje iz budžeta Kantona Sarajevo (OBR.7.3-02-01/01), pri čemu treba obrazložiti podatke koji se odnose na opis problema/potreba, kratak opis projekta, ciljeve, ciljne grupe, plan realizacije projekta, trajanje projekta, osoblje i budžet projekta.
- (2) Projekti se mogu dodatno obrazložiti u skladu sa podacima sadržanim u Obrascu iz stava (1) ovog člana.

Član 9.

(Dokumentacija koju uz zahtjev trebaju dostaviti korisnici prava iz člana 2. ovog pravilnika)

- (1) Uz zahtjev za dodjelu sredstava za finansiranje/sufinansiranje programa i projekata korisnici prava iz člana 2. su dužni dostaviti:
 - a) Popunjen obrazac za aplikaciju za finansiranje/sufinansiranje projekta, koji sadrži: naziv projekta, opis problema/potreba, kratak opis projekta, ciljevi, ciljne grupe, plan realizacije projekta, trajanje projekta, osoblje i budžet;
 - b) Rješenje o registraciji;
 - c) Uvjerenje iz registra udruženja izdato u vrijeme podnošenja zahtjeva, izuzev iz registra udruženja koje vodi Ministarstvo pravde i uprave Kantona Sarajevo, koje nosilac budžetskih sredstava pribavlja po službenoj dužnosti;
 - d) Ovjereni i potpisani izjava odgovornog lica o ekonomskoj i društvenoj opravdanosti projekata koje udruženje predlaže;

- e) Uvjerenje o poreskoj registraciji - identifikacioni broj;
 - f) Uvjerenje o izmirenim poreskim obavezama;
 - g) Uvjerenje o izmirenim porezima i doprinosima za zaposlenike (ukoliko ima zaposlenika);
 - h) Bilans stanja i bilans uspjeha za prethodnu godinu ovjereni od strane nadležne ustanove i narativni izvještaj za prethodnu godinu;
 - i) Finansijski izvještaj o utrošku sredstava za projekte odobrene u prethodnoj godini na propisanom obrascu od strane Ministarstva finansija Kantona Sarajevo;
 - j) Finansijski plan za tekuću godinu;
 - k) Program rada za tekuću godinu sa obrazloženjem;
 - l) Ovjerene i potpisane izjave odgovornog lica koje će posvjedočiti o: organiziranosti i broju članova udruženja, o broju lica koja učestvuju u realizaciji projekata, specifičnosti potreba članova udruženja odnosno populacije koju zastupaju, o rezultatima i uspjesima na kantonalnom, federalnom, državnom i međunarodnom nivou, odnosno o broju korisnika koji su obuhvaćeni projektom.
- (2) Udruženje koje nema uposlenih i neizmirenih obaveza može dostaviti ovjerenu izjavu kod nadležnog organa, da nema uposlenih i neizmirenih obaveza kojom to potvrđuje.
- (3) Udruženje koje je registrovano u prethodnoj godini i nije dobilo sredstva za projekte, nije dužno dostaviti izvještaj o urednom finansijskom poslovanju (bilans stanja, bilans uspjeha i narativni izvještaj za prethodnu godinu) i finansijski izvještaj o utrošku sredstava za projekte odobrene u prethodnoj godini.

Član 10.

(Dokumentacija koju uz zahtjev trebaju dostaviti korisnici prava iz člana 6. ovog pravilnika)

Uz pismeni zahtjev za finansiranje/sufinansiranje projekata korisnici prava iz člana 6. ovog pravilnika dužni su dostaviti slijedeću dokumentaciju:

- a) Kopiju lične karte i CIPSOV-e prijave prebivališta;
- b) Broj i datum dostavljanja Izvještaja o namjenskom utrošku ranije dodijeljenih sredstava (dostaviti kopiju dokaza);
- c) Obrazloženje projekta (cilj i način realizacije);
- d) Rezultati rada ostvareni u prethodnom periodu (iste navesti i dokumentovati);
- e) Uspješnost ranije realizovanih projekata koji su finansirani/sufinansirani od drugih institucija (iste navesti i dokumentovati);
- f) Dokaz o pripadnosti boračkoj populaciji;
- g) Nivo na kojem se sportske aktivnosti odnosno takmičenja odvijaju;
- h) Materijalni položaj sportiste pojedinca (Ovjerena izjava o eventualnim sponzorskim ugovorima i drugim vidovima ostvarenih pomoći).

Član 11.

(Komisija za provođenje javnog poziva)

- (1) Zahtjeve po Javnom pozivu iz stava (1) člana 5. ovog pravilnika, obrađuje posebna komisija koju imenuje ministar.
- (2) Komisija iz stava (1) ovog člana se imenuje za svaku budžetsku godinu i ista se sastoji od predsjednika i najmanje dva člana.

Član 12.

(Procedura odobravanja sredstava)

- (1) Komisija iz člana 11. ovog pravilnika, uzimajući u obzir opće i posebne kriterije i mogućnost finansiranja/sufinansiranja u odnosu na odobrena budžetska sredstva, dužna je sačiniti prijedlog liste projekata za finansiranje/sufinansiranje iz Budžeta Kantona Sarajevo, razdjel Ministarstvo za boračka pitanja Kantona Sarajevo i istu dostaviti ministru.
- (2) Odluku o dodjeli sredstava za finansiranje/sufinansiranje projekata donosi ministar.
- (3) Način doznačavanja sredstava, međusobna prava i obaveze i drugi elementi bitni za realizaciju sredstava mogu biti regulisani posebnim aktom Ministarstva ili ugovorom između Ministarstva i korisnika sredstava.

Član 13.

(Raspored sredstava)

- (1) Visina sredstava za raspodjelu zavisi od sredstava odobrenih u Budžetu za te namjene.

- (2) Ministarstvo svojim pojedinačnim aktima u skladu sa ovim pravilnikom, odlučuje o rasporedu sredstava na svojoj poziciji.

Član 14.

(Doznačavanje sredstava)

Doznačavanje sredstava odobrenih Budžetom korisnicima iz ovog pravilnika, vrši se u skladu sa operativnim planovima i raspoloživim sredstvima u budžetu.

Član 15.

(Omjer utroška sredstava)

Korisnici prava iz ovog pravilnika dužni su sredstva odobrena za troškove projekta iskoristiti u omjeru utvrđenom od strane Ministarstva finansija Kantona Sarajevo u Obrascu narativnog i finansijskog izvještaja i to:

- a) maksimalno do 30% odobrenih sredstava za administrativne troškove,
- b) minimalno 70% odobrenih sredstava za projektne aktivnosti.

Član 16.

(Način korištenja sredstava)

- (1) Sredstva odobrena po ovom pravilniku moraju se iskoristiti za odobrene namjene pri čemu se korisnik sredstava mora pridržavati važećih zakonskih propisa.
- (2) U okviru odobrenog projekta i programa maksimalno do 30% sredstava odnosi se na administrativne troškove iz Obrasca narativnog i finansijskog izvještaja i obuhvataju: troškove administrativnih poslova (npr. direktor, predsjednik udruženja, sekretar i druga lica koja obavljaju administrativne poslove u udruženju i nisu direktni učesnici u realizaciji projekta), najam ureda, režije, telefonski troškovi, uredski materijal, usluge knjigovodstvenog servisa, bankovni troškovi i slično.
- (3) U okviru odobrenog projekta i programa minimalno 70% sredstava odnosi se na direktne troškove projekta (npr. namirnice, higijenski paketi i druge vrste pomoći, voditelj/ica aktivnosti na projektu, publikacije, najam prostora za aktivnosti, štampani materijali, kampanje, okrugli stolovi, edukacije, honorari za trenere, terapeute i drugi troškovi vezani za projekat odnosno korisnike projekta).

POGLAVLJE III - IZVJEŠTAJ O NAMJENSKOM UTROŠKU SREDSTAVA I NADZOR NAD UTROŠKOM SREDSTAVA

Član 17.

(Izvještaj o namjenskom utrošku sredstava za realizovane projekte ili aktivnosti)

Korisnici sredstava iz ovog pravilnika dužni su na propisanom Obrascu narativnog i finansijskog izvještaja, Ministarstvu dostaviti izvještaj o namjenskom utrošku sredstava doznačenih iz Budžeta u roku od 15 dana od realizacije projekta ili aktivnosti sa odgovarajućom dokumentacijom.

Član 18.

(Uslov za prihvaćanje zahtjeva za finansiranje/sufinansiranje programa i projekata)

Korisnici sredstava koji nisu dostavili narativni i finansijski izvještaj o utrošku sredstava sa odgovarajućom dokumentacijom za program ili projekat, za koji su imali odobrena budžetska sredstva u prethodnom periodu, ne mogu biti prihvaćeni za finansiranje/sufinansiranje programa ili projekata za narednu godinu.

Član 19.

(Obaveza poštivanja propisanog omjera utroška sredstava)

Ministarstvo zadržava pravo da korisnicima sredstava za koje se utvrdi da nisu ispoštovali omjer utroška sredstava propisan članom 15. ovog pravilnika, obustavi daljnje finansiranje/sufinansiranje odobrenih programa i projekata kao i da ne prihvati finansiranje/sufinansiranje projekata i programa istog za narednu godinu.

Član 20.

(Obaveza održavanja skupštine udruženja)

- (1) Udruženja su dužna održavati svoje izvještajne i izborne skupštine u skladu sa odredbama statuta.

(2) U slučaju problema u radu udruženja na relaciji savez-članice saveza (udruženja), neispunjavanja uslova za upis promjena u Registar udruženja kod nadležnog Ministarstva, kao i neodržavanje skupštine udruženja u vremenskom periodu utvrđenim statutom udruženja, Ministarstvo zadržava pravo da ne prihvati zahtjev za finansiranje/sufinansiranje programa i projekata kao i da obustavi doznačavanje sredstava za eventualno odobrene projekte i programe do uspostavljanja normalnog funkcionisanja udruženja.

Član 21.

(Nadzor nad utroškom sredstava)

Redovan nadzor nad utroškom sredstava vrši Ministarstvo i budžetska inspekcija Kantona po zahtjevu davaoca sredstava ili u okviru svojih redovnih inspeksijskih nadzora nad utroškom budžetskih sredstava.

POGLAVLJE IV - ZAVRŠNE ODREDBE

Član 22.

(Ravnopravnost spolova)

Sve imenice upotrijebljene u ovom pravilniku samo u muškom ili samo u ženskom rodu, odnose se na oba spola.

Član 23.

(Pitanja koja nisu regulisana ovim pravilnikom)

Po pitanjima koja nisu regulisana ovim pravilnikom postupit će se u skladu sa Uredbom o kriterijima za finansiranje programa i projekata neprofitnih organizacija i udruženja koji se finansiraju/sufinansiraju iz Budžeta Kantona Sarajevo.

Član 24.

(Stavljanje van snage)

Danom stupanja na snagu ovog pravilnika prestaju da važe: Procedure o kriterijima za raspodjelu, korištenje, kontrolu i izvještavanje o utrošku sredstava za grantove pojedincima, udruženjima i institucijama broj: 06-05-3544/07 od 27.02.2007.

godine i broj: 06-05-3544-1/07 od 09.03.2007. godine, Instrukcija o regulisanju statusa zaposlenih, plaćama i drugim primanjima u udruženjima u sastavu "Koordinacionog odbora boračkih organizacija Kantona Sarajevo" broj: 06-34-5198/10 od 18.03.2010. godine, Uputstvo za izradu izvještaja o utrošku sredstava boračkih udruženja u sastavu "Koordinacionog odbora boračkih organizacija Kantona Sarajevo" broj: 06-05-5181/10 od 18..2010. godine, Uputstvo za izradu zahtjeva za finansiranje projekata boračkih udruženja u sastavu "Koordinacionog odbora boračkih organizacija Kantona Sarajevo" broj: 06-14-5197/10 od 18.03.2010. godine, Uputstvo o primjeni kriterija za raspodjelu sredstava za grantove pojedincima, udruženjima i institucijama broj: 06-14-6704/10 od 31.03.2010. godine, Odluka o utvrđivanju visine plata i drugih primanja lica uposlenih i angažovanih u udruženjima u sastavu "Koordinacionog odbora boračkih organizacija Kantona Sarajevo" i kantonalnih udruženja proisteklih iz HVO-a broj: 06-14-32549/11 od 26.12.2011. godine i Dopuna Odluke o utvrđivanju visine plata i drugih primanja lica uposlenih i angažovanih u udruženjima u sastavu "Koordinacionog odbora boračkih organizacija Kantona Sarajevo" i kantonalnih udruženja proisteklih iz HVO-a broj: 06-14-32549/11 od 26.12.2011. godine broj: 06-14-32549-1/11 od 05.03.2012. godine.

Član 25.

(Stupanje na snagu)

Ovaj pravilnik stupa na snagu danom donošenja, a objavit će se u "Službenim novinama Kantona Sarajevo".

Broj 06-02-9107/14
21. aprila 2014. godine
Sarajevo

Ministar
Mr. **Faid Hećo**, s. r.

SADRŽAJ

KANTON SARAJEVO

Vlada Kantona Sarajevo

1. Rješenje o razrješenju vršilaca dužnosti predsjednika i članova Školskog odbora Javne ustanove Osnovna škola "6. mart"	1
2. Rješenje o imenovanju predsjednika i članova Školskog odbora Javne ustanove Osnovna škola "6. mart"	1
3. Rješenje o imenovanju predsjednika i članova Školskog odbora Javne ustanove Osnovna škola "9. maj"	1
4. Rješenje o imenovanju predsjednika i članova Školskog odbora Javne ustanove Osnovna škola "Hilmi ef. Šarić"	2
5. Rješenje o imenovanju predsjednika i članova Školskog odbora Javne ustanove Osnovna škola "Hašim Spahić"	2
6. Rješenje o imenovanju predsjednika i članova Školskog odbora Javne ustanove Osnovna škola "Podlugovi"	2
7. Rješenje o imenovanju predsjednika i članova Školskog odbora Javne ustanove Osnovna škola "Isak Samokovlija"	2
8. Rješenje o imenovanju predsjednika i članova Školskog odbora Javne ustanove Osnovna škola "Hasan Kikić"	2
9. Rješenje o imenovanju predsjednika i članova Školskog odbora Javne ustanove Osnovna škola "Alija Nametak"	3

10. Rješenje o imenovanju predsjednika i članova Školskog odbora Javne ustanove Osnovna škola "Musa Čazim Čatić"	3
11. Rješenje o imenovanju predsjednika i članova Školskog odbora Javne ustanove Osnovna škola "Safvet-beg Bašagić"	3
12. Rješenje o imenovanju vršilaca dužnosti predsjednika i članova Školskog odbora Javne ustanove Osnovna škola "Hasan Kaimija"	3
13. Rješenje o imenovanju predsjednika i članova Školskog odbora Javne ustanove "Katolički školski centar-osnovna škola"	4
14. Rješenje o imenovanju predsjednika i članova Školskog odbora Javne ustanove "Prva osnovna škola"	4
15. Rješenje o imenovanju predsjednika i članova Školskog odbora Javne ustanove "Druga osnovna škola"	4
16. Rješenje o imenovanju predsjednika i članova Školskog odbora Javne ustanove "Treća osnovna škola"	4
17. Rješenje o imenovanju predsjednika i članova Školskog odbora Javne ustanove "Četvrta osnovna škola"	4
18. Rješenje o imenovanju predsjednika i članova Školskog odbora Javne ustanove "Sedma osnovna škola"	5
19. Rješenje o imenovanju predsjednika i članova Školskog odbora Javne ustanove Osmo osnovna škola "Amer Čenanović"	5